

Lwghag Mbanjcuengh Youq Cungguek–Dunghmungz Gozci Gyauyuzcanj Langhbaij Dinfwngz Lai Yiengh

Ndwen 7 ngoenz 19, Aenhoih Gaicawx Huq Hagseng Yungh Gozci Nanzningz caeuq 2019 Cungguek–Dunghmungz (Nanzningz) Gozci Gyauyuz Canjlanjvei youq Nanzningz haidaiz. Youq hoihciengz, gyoengq hagseng

Mbanjcuengh youq Cungguek–Dunghmungz Gozci Gyauyuzcanj langhbaij dinfwngz vwnzva lai cungj lai yiengh, yinx ndaej haujlai bouxyawj humx yawj.
(Yiz Sienghczenz/喻湘泉)



▲Lwghag langhbaij dinfwngz dajsiuq.



▲Bouxyienj youq gwnz daiz ciengqgo.

Bingzgoj Yen Banh Aen Hozdung Cunzyienj Ciengciengz Ciengq Go'nding

Ndwen 7 ngoenz 20 banhaemh, aen hozdung cunzyienj ciengciengz ciengq go'nding gij hozdung baenzdauq Bingzgoj Yen angqhoh Cunghvaz Yinminz Gunghozgoz laebbaenz 70 hopbi caeuq geiqniemh Baksak Gijyi 90 hopbi youq Daibingz Cin aen yienh neix haidaiz.

Hozdung doenggvaq yienjciengq go'nding gwzming, hawj vunzlai engq ndei roxyiuj gij lizsij gwzming Baksak Gijyi, ciengqgok gij yaem'wenq danqhaenh Cungguek Gungcanjdangj, danqhaenh Baksak Gijyi, danqhaenh bouxdaiqdaeuz gwzming, gikcoi gyoengqvunz mbouj lumz goeknduj, geiqmaenh sawjmingh, haenqrenz baenaj; roengzrenz aeu go'nding Baksak Gijyi caeuq gij neihanz vwnzva Bouxcuengh dox giethab. Mwh yienjok, 《Yingjsanhhungz》《Cib Soengq Hungzginh》《Hungzsingh Rongh Gou Bae Hoenx Ciengq》daengj hot dem hot go'nding goksad haprwenz, ciengqgo diuqfoux, vunzlai yawj ndaej yinx raixcaix.

(Yiz Ciz/余执)

Fanh Vunz Ciengj Bya Hoh Fungsou

Ndwen 7 ngoenz 18 dwg liggaueq ndwenloeg cibroek, Liujcouh Si Yungz-suij Myauzcuz Sw-ciyen Hungzsuij Yangh Liengzsangh Cunh banh ciet ciengj bya conzdungj, gyoengq vunz cujciz aeu cien lai goeng-gaen bya cuengq roengz ndaw Dah-liengzsangh bae, yinx ndaej baenz fanh vunzmbanj caeuq bouxhek gak dieg daeuj gaemh bya guhcaemz, youq mwh yiengjsouh liengzsisi mbaenjmuengh fungsou. Ciet ciengj bya dwg aen ciet ndawbiengz youq dangdieg gaenq miz 460 lai bi lizsij. Gyoengqvunz youq ndaw dah ciengj bya, ciengj ndaej bya yied lai, eiqsei dwg fuk couh yied lai, aen ciet neix hix miz gij eiqsei mbaenjmuengh fungsou.



▲Gyoengqvunz youq ndaw dah ciengj bya.

(Lungz Dauh/龙涛)

Lungzswng: Aenmbanj Gaeuqgeq Angqhoh Cietndei



▲Vunzlai youq ndaw dah doxdax bengcaz.

yiengh dangdieg hawj bouxhek gak dieg yawj. Ciuq cam rox, bi 2018, Lungzswng Gak Cuz Swciyen Sanhmwnz Cin Daloz Cunh Mbanjdandhij ndaej liedhaeuj gij mingzloeg aenmbanj gaeuqgeq Cungguek buek daihhaj.

(Vuz Swnghbinh Vangz Gozgan/吴生斌 王国干)

Ndwen 7 ngoenz 20, Lungzswng Gak Cuz Swciyen Sanhmwnz Cin Daloz Cunh banh ciet vwnzva minzsuz Banz-yauz aenmbanj gaeuqgeq, haiguh minzsuz cunzyouz, youq ndaw raemx bengcag, youq ndaw raemx ciengj bit, yienjheiq daengj hozdung lai cungj lai yiengh, langhbaij gij vwnzva minzsuz conzdungj lai cungj lai

Sanhgyangh: Mbanjdung Angqhoh Ciet Haeuxmoq

Ndwen 7 ngoenz 17, Sanhgyangh Dungcuz Swciyen Linzhih Cin Gauh-youj Cunh banh ciet haeuxmoq conzdungj bi gvaq baez haenx, vunzlai dangdieg ndang daenj buhvaq moq-sag gyaueget, guh caeqbaiq, ciengq

golaux Dungcuz, gwn ngaizhumx daengj, langhbaij gij fungcingz lai yiengh Mbanjdung, yinx ndaej haujlai bouxhek daeuj yawjngonz youzcet.

(Gungh Bujgangh Moz Liengzli/龚普康 莫良丽)



►Bouxhek caeuq vunzlai Dungcuz caez gwn ngaizhumx.